



الجبهة الديمقراطية لتحرير قومية الساهو الإرترية
Eretriyah Saahot Qawmiiyah Xurriyat Dimokraasiti Dambar
ብሄራዊ ዲሞክራሲያዊ ግንባር ካርነት ሳሆ ኤርትራ
National Democratic Front for the Liberation of Eritrean Saho

ESQXDD ti Fantit Lujnah katatayta Makawanit Akottah Gomeenat Caddoos.

ESQXDD ti Fantit Lujna 08-14 maaziiyat alsih 2011 katatayta Makawanit akotta sariigalah abase (yiskhitime).

ESQXDD ti Fantit Lujna katatayta Makawanit akottal Tanziim edane buhuul, Tanaaziim zacabah kee temfeleele Dikti (wathanti) gondoh zacabah Fidinih zatoye.

ESQXDD ti Fantit Lujna Tanziim edane buhuul tablemhi sabbattah :-

tillaabe lixa alsad shacabti uguugus kee Diplomasiiyati zefraako yaylage shuqhli yekke. Fertoh caskariiyati zefraako mafarrit katatayta fantit lujnah akottalle timxigirem abittod asse. Ni tanziim caskariiyati gabooko meceettih dhishshimmeh caskariiyati gabooko barholle yambuluuwe shuqhle erheerhiisheh yanem asxihihi tageytmteeh tane sariigallah (nasreh) garhiitekkah tayeeko agaanelle yashtaqaalo kiinam caddoose (elfiirishe).

Ta tillaabe lixa alsadde nitanziim iro kee addaako mango caynah waqhaaqhac kaa yeseedefem caddoyte. Ziyaada tanziim adadde wuliili masuuliya ed asaabbiineexe Qiyaadah sabbattah tumkhuluqheh suge waqhaaqhac cadlee kee dimokraasiyati araxah manafo akah abe.

Irot gabooko aseedefi sugte cangiino lel walaa caddoytteh tumbuluweemih Tanziim erheerhem ko tibbirheh mango xibarah tine abbat barhiino kinam yiqhiiddire. ESQXDD tayek sarrah farhe gabooko tasaadafo dhicta caduyinna kalalo (deeso) dhiica camal lem caddoosah nitanziim mu-asasat araxti shuqhle, wado (beeza) kee axargag zoobatiya dhawrheh yedemko irot abbat barhiinoh gomfoiyta tanziim makim caddoose (elfiirishe).

Fantit lujna Eretriyaati mucaaradati buhuul tablemih lel :-

ESQXDD sariigalla lee dikti araba dimokraasiiti qiyaarah (National Conference for Democratic change) erheerhisheh Dimokraasiiti qiyaar taynisiirem sinni dhic yeyseeneyiinnih shacabti cange kin jabhat shacbiyati nizaamti diddeh yandafaloona abaa suge dufla caadinnexek kaado gantih dikti agle (araba) dimokraasiiti qiyaarah yaynasaro dhishshime Eretriyaati dikti mufawadiiya (Eritrean National Commission for Democratic change) lih yemseeneh yashtaqaalo kinam yiyshidhdhige.

Fantit lujna Eretriyaati Qawmiiyat Dimokraasiiti Dambar(EQDD) ti sabbattah lel tillaabe lixa alsati addaadde gaddaa, siyaasa kee ware ti gabooko tiya yekkeh abaa suge juhde caskariiyati gabooko naba xaddoh el yandafalo kinam caddoose.

Shacabti cange kin jabhat shacbiyati niizamti barmale (ficma) kin diktatoorat anziima shacabti goomadhdheh ed duuma yanin waqhted Eretriyaati shucuub kee ten sawrar kaado fertoh tambulluwem ko dhicta kas (khibra) geenih umman waqhteko aganal tiya yekkenih yashtaqhalona fantit lujna deeco abte.

Khatimalle:-

Shacabti cange kin jabhat shacbiyati nizaamti sabbattah sinni arde (dik) xabteh Liibiyati araxadde ten teseedefe Badi gedcatah sinni rooxe wayte 325 Eretriyaati dhaylo kee 10 takke Etiyooopiyaati dhayloh ed tassaabbe dhacuma xazan ashixi ten xawazah (ahleh) sabre sinah yaxawo yerhxe.

Fantit lujna niirohit shuqhli xagara abtemko ledelle siyaasat maktabti zooba dimokraasiiti cilleh dorte. Etiyooopiyaati shacab kee doolah fertoh lee sanca forumti maktab umman defraako noh abaa sugen sacoolinni xatoh ishi afcaadoko ten cafade. Makawanit katatayta akotta (agle) sariigalah yiskhitime.

Nim noyyah!!

**ESQXDD
Ware kee caydat maktab
maaziiyat 15/ 2011**